

SENATURAKO HAUTESKUNDEAK. Hautetsi «gehienak ez kontuan hartzea» deitoratu dute

ANGELA MEJIAS

DARRAIDOUREN TALDEA. Ezkerretik eskuinera, Mixel Berzaitz, Marie-Andree Arbelbide, Andre Darraidou, Louisette Mayerau eta Richard Beitia.

HAUTAGAIK**ANDRE DARRAIDOU**

Ezpeletako auzapeza. Bere burua «txori aske» gisa aurkeztu du, «euskaltzalea» eta «zentro ezkerretik» hurbil.

LOUISETTE MAYERAU

Lonseko (Biarno) zinegotzia. Berdeetako kidea.

MIXEL BERZAITZ

Muskildiko auzapeza eta Zuberoako Herri Elkargoko lehendakariordea. Mixel Labegerieren jarraitzailea, giristino-demokrata.

MARIE-ANDREE ARBELBIDE

Heletako auzapeza. Abertzalea.

RICHARD BEITIA

Hendaiaiko zinegotzia. RPRtik dimititu zuen, departamenduaren gaia zela eta. Bere burua beti eskuineko kide gisa agertzen du.

EUSKAL PRESOK**Ainara Fresneda aske utzi dute, azken hilabeteko presoaldia etxean igarota**

Erredakzioa | IRUÑA

Ainara Fresneda preso le-sakarra baldintzapeko as-katasunean aske utzi zu-ten atzo, 500.000 pezeta-ko bermea ordaindu on-doren. Amnistiaren Alde-ko Batzordeek prentsa ohar baten bidez jakitera eman zutenez, atzo arratsaldeko 14:00ak aldera joan ziren guardia zibilak haren etxeko ataritik.

Ainara Fresneda joan zen uztailaren 10etik Le-sakako etxean zegoen presoaldia bertan igaro-tzen, osasun arazoak zire-la-eta. Aurretik Soto del Real eta Alcala Mecoko kartzelatan egon zen.

Fresneda martxoaren 27an atxilotu zuen Guar-dia Zibilak, lantokian. Hi-ru egunez inkomunikatu-ta egon ondoren, torturak salatu zituen. Espetxeratu aurretik osasun arazoak zituen, eta, AABek gogo-rarazi zutenez, arazo ho-riek areagotu egin zitzaiz-kion kartzelan egon zene-tik.

Espainiako Entzute-gi Nazionalako Guillermo Ruiz Polanco epaileak, uztailaren 4an agindu zuen Fresneda kartzelatik atera eta etxera eramate-ko, haren osasuna zeinen «kaskarra den baieztatzen duten mediku txostenak» ikusi ondoren. AABek sa-latu zutenez, «agindua, orde, astebeteko atzera-penez bete zen, Foruzain-goak hala eskatu zuela-ko».

«Okupazio militarra»

Etxean preso izan denean Fresnedaren familiak Guardia Zibilaren «kon-trol eta jazarpenari» aurre egin behar izan diola sala-tu zuten AABek. Horrez gain, epe horretan herriak «okupazio militarra» ja-san behar izan duela jaki-narazi zuten. Horren au-rrean, familiak eta Udalak Entzute-gi Nazionalari Fresnedaren egoera alda-tzeko eskatu zioten.

Orain «osasuntsu jar-tzeko aukera» duela na-barmendu dute AABek. Hala ere, atxiloketan eta kartzelan jasandakoak ha-ren osasunean izango di-tuen «ondorio latzak» sa-latu zuten.

Bozak «erreferendum» gisa baliatzeko aurkeztuko dira departamenduzaleak

Andre Darraidouren zerrendak Biarnoko departamenduaren aldeko mezua ere zabalduko du

Eneko Bidegain | BAIONA

Andre Darraidou Ezpeletako auzapez euskaltzalea senatura-ko hauteskundeetan lehiatuko da, irailaren 23an. Euskal de-partamenduaren aldeko hautes-sien bozen bila abiatu da. Eus-kal departamenduaren aldeko hautetsien elkarteak eta urria-ren 9ko deiak bultzatu duten ze-rrendak hauteskunde horiek departamenduari buruzko «erreferendum ttipi bat» bihur daitezen nahi du. Andre Darrai-douk desira horren berri eman zuen atzo, hainbat joera politi-kotako jendearen ondoan: Ma-rie-Andree Arbelbide abertzalea, Louisette Mayerau berdea, Richard Beitia RPReko kide ohia eta Mixel Berzaitz giristi-no-demokrata. Sozialisten or-dezkaririk ez zen zerrendaren inguruan.

Azken denboretan udaletxe-etan departamenduari buruz izan ziren bozak Parisek ez kon-tuan hartzea aipatu zuen ze-rrendaburuak. Hautetsien gehiengo absolutua euskal de-partamenduaren sortzearen alde agertu zen, baina Parisek bozka horiek ez zutela balio ofi-zialik ihardetsi zuten. Darrai-douk, beraz, departamendu-aren aldeko jarreraren agertzeko senatuko bozetaz baliatzeko

deia zabaldu zuen. Jadanik 53 auzapezen sostengua jaso du zerrenda horrek.

«Ez dugu hautagai bakar bat ikusi Euskal Herriko hautetsien gehiengoaren borondatea kon-tuan hartzen», nabarmendu zuen Andre Darraidouk. Orain arteko senatari Didier Borotrak departamenduaren aldekoen «proiektua berekin ekar zeza-ten» nahiko zuketela azaldu zuen Mixel Berzaitz Muskildiko auzapez eta Darraidouren ze-rrendakideak. «Onartu balu, ze-rrenda hau ez zen aurkeztuko.»

Borotrari senaturako bidea tratatuko dioten ala ez ez daki-te. «UDF, RPR edo PSko hautes-tsi bat gutxiago izateak ez du Luxenburgoko jauregia (Sena-tuko egoitza) inarrosiko. Depar-tamenduaren aldeko hautetsi bat izateak asko aldatuko du Euskal Herriarentzat», zehaztu zuen Darraidouk. 1600 hautes-sik bozkatuko dute. Euskal He-rrian gutxienez 140 boz lortzea posible ikusten dute. «Ez gara norbaiten aurka aurkeztu, bai-zik eta proiektu baten alde», az-pimarratu zuen Darraidouk.

Biarnesen sostenguen bila

Andre Darraidouk departamen-dua laborantza ganbera, uni-bertsitatea, Hegoaldearekilako harremanak eta «euskal eta

SOSTENGUA**Departamendu berri baten aldeko elkarteak, pozik**

Departamendu berri baten aldeko elkarteak bere poza agertu du, senaturako hau-teskundeetan departamen-duaren eztabaida piztu dela-ko. Elkarteak «aukeraz baliatuko da Biarnoko hautesle handiei aldarrikapen horren zinezko zentzuaren esplika-tzeko eta horrek ez dituela Biarnoko interesak kaltetuko azaltzeko».

ANDRE DARRAIDOU

Zerrendaburua

«Orain arte, ez gara ohartu Biarno ere bazela. Bi departamenduen sorrerara hedatu behar da eztabaida»

MIXEL BERZAITZ

Muskildiko auzapeza

«Borotrak eskaera berekin ekartzea onartu balu, zerrenda hau ez zen aurkeztuko»

biarnes nortasunekin» lotu zuen. Horri garrantzia emanez, Borotrari erantzun zion, Boro-trak baitio departamendua ez dela Euskal Herriak behar duen erantzuna. Louisette Mayerau Berdeen ordezkari biarnesak Euskal Herrian dagoen «dina-mikarekin» lotu zuen departa-menduaren beharra. Darrai-douren zerrendan sartuz, Biar-noak ere Euskal Herriko departamenduaren eskaera sustenga dezakeela eta berea aldarrikatu ulertarazi zuen.

Alabaina, biarnesen soste-gua ere bilatuko du Darraidou-ren zerrendak. *Biarno eta Eus-kal Herria, bi departamendu ber-din eta elkar hartuak* zerrendak Biarnoko departamendua ere aldarrikatuko du. «Menturaz, orain arte, ez gara ohartu Biar-no ere bazela. Eztabaida bi de-partamenduen sorrerara heda-tu behar da», azaldu zuen An-dre Darraidouk atzoko aurkezpenean. Horretarako, Euskal departamenduaren aldeko hautetsien elkarteak, bere ekimena Biarnora ere hedatu-ko du, hango hautetsiek ere ez-tabaidan parte har dezaten, eta Biarnoko departamenduaren aldeko jarrera har dezaten. «Bi departamendu ez da gaizkiago. Ttipia izatea indar bat» dela uste du Darraidouk.